

PREMIO PROMOCIONAL SANTA ANNA TA BAY PA SEURNAN DI IMELDAHOF

ORANJESTAD (AAN): Manera a bira tradicion caba, e Premio Promocional Santa Anna ta ser otorga tur 18 di Maart.

E biaha aki, despues di amplio discusion, e Jurado a dicidi di otorga e Premio Promocional Santa Anna 1993 na e Soeurnan di Imeldahof pa nan valioso trabao den parokia di Noord en particular y pa Aruba en general.

Dia 15 di Januari 1952, como 7 soeur Dominicanessen di Bethania na Venlo a yega Aruba pa lanta un instituto di mucha. Como cu nan tabata tin mester di entrada, algun a bay traha na St. Annaschool, cual school nan a tuma over di e soeurnan Dominicanessen di Voor-schoten. Despues cu e 4 paviljoennan a ser construi, Imeldahof a habri su portanan y te awe ta funciona como instituto cu ta ricibi mucha for di tur skina di Aruba. Tanto guia di St. Annaschool como di Imeldahof e Soeurnan a

traspasa na un manera responsable pa laiconan di propio tera.

Fuera di a guia y traha na St. Annaschool y Imeldahof, e Soeurnan di Bethania tabata tin un impacto grandi riba bida cultural, spiritual y social di Noord en especial y Aruba en general.

Te ainda e Soeurnan ta ehersce hopi trabao pastoral y social, y p.e. Zr. William ta toca orgel durante misa. Tambe el a duna formacion musical na varios dirigente di coro St. Anna y tambe e guia y empuhe na Tica Giel, conocido soprana di Noord. Tambe Zr. William a revisa e "Cantoral", e buki di musica di misa completamente.

Na September e Soeurnan di Bethania ta pensa di regresa Hulanda lagando un vacio grandi den bida spiritual, cultural y social di Noord. Nan deseo di mas grandi ta pa Gobierno tuma nan convento actual over y pa e worde converti den un cas

pa ancianonan.

E Premio Promocional

Santa Anna lo worde otorga durante e celebracion di 18 di

Maart na St. Annaschool na Noord.